

Resolución Reitoral pola que se convocan Bolsas do “Curso de Formación en Introducción á Bolsa de Valores”, curso 2023/2024

Os Estatutos da Universidade de Vigo, no seu artigo 100 establece que a universidade, en uso da súa autonomía, poderá outorgar títulos e diplomas para estudos distintos dos oficiais.

O Regulamento dos programas de formación permanente da Universidade de Vigo aprobado polo Claustro o 28 de xuño de 2021 establece no artigo 49.4 a posibilidade de que se oferten bolsas que posibiliten o acceso ao estudantado con escasos recursos económicos.

A Universidade de Vigo ten subscrito un convenio coa Fundación Sindical Edelmiro Otero Blanco no que a Fundación comprométese a financiar bolsas de matrícula ao estudantado matriculado no Curso de Formación en Introducción á Bolsa de Valores.

Unha vez visto o convenio de colaboración asinado o 10 de outubro do 2022 entre a Universidade de Vigo e a Fundación Sindical Edelmiro Otero Blanco.

Unha vez vista a *Lei 9/2007 de Subvencións de Galicia*, as disposicións aplicables da *Lei 38/2003, do 17 de novembro, Xeral de Subvencións* e as súas normativas de desenvolvemento.

En virtude das facultades que lle outorgan a *Lei Orgánica 6/2001, do 21 de decembro Orgánica de Universidades* e o artigo 72 do *Decreto 13/2019, do 24 de xaneiro*, polo que se aprobaron os Estatutos desta universidade,

ESTA REITORÍA RESOLVE:

1. Convocar, en réxime de concorrencia competitiva, bolsas para o estudantado matriculado no Curso de Formación en Introducción á Bolsa de Valores para o curso 2023/2024 que serán xestionadas de acordo coas bases reguladoras que figuran no Anexo I.
2. Publicar esta convocatoria e as bases que a regulan no taboleiro da sede electrónica <https://sede.uvigo.gal/> e no [Portal de bolsas](#) da web da Universidade de Vigo.

Contra esta resolución, que esgota a vía administrativa, poderase interpoñer recurso perante a xurisdición contencioso-administrativa, no prazo de dous meses contados dende o día seguinte á súa publicación, de conformidade co disposto na *Lei 29/1998 do 13 de xullo, reguladora da xurisdición contencioso-administrativa*.

Así e todo, as persoas interesadas poderán optar por interpoñer un recurso de reposición, no prazo dun mes contado a partir do día seguinte á publicación da presente resolución, perante o mesmo órgano que a ditou. Neste caso, non caberá interpoñer o recurso contencioso-administrativo namentres non recaia resolución expresa ou presunta do recurso de reposición, de acordo co disposto na *Lei 39/2015, de 1 de outubro, do procedemento administrativo común das administracións públicas*.

Vigo, na data de sinatura electrónica

O reitor

Por delegación de sinatura 20/04/2023

O vicerreitor de Titulacións e Innovación Docente

Alfonso Lago Ferreiro



ANEXO I

BASES QUE REGULAN A CONVOCATORIA DE BOLSAS DO CURSO DE FORMACIÓN EN INTRODUCCIÓN Á BOLSA DE VALORES, CURSO 2023/2024**1. OBXECTO**

Esta convocatoria ten por obxecto conceder bolsas destinadas a sufragar unha parte dos prezos públicos da matrícula do curso de formación en Introducción a bolsa de valores no curso académico 2023/2024.

2. REQUISITOS DAS PERSOAS SOLICITANTES

Pode solicitar bolsa o estudantado que cumpra os seguintes requisitos:

- Estar matriculado en calquera titulación de grao ou mestrado oficial da Universidade de Vigo no curso 2023/2024
- Estar matriculado na edición do ano 2023 do Curso de Formación en Introducción á bolsa de valores.
- Non pertencer a ningunha das categorías laborais da universidade (só estudantes)

Non poderán ter a condición de beneficiario/a as persoas nas que concorran algunha das circunstancias establecidas no artigo 13.2 da *Lei 38/2003 Xeral de Subvencións, de 17 de novembro*.

3. INCOMPATIBILIDADES

As bolsas que se establecen nesta convocatoria son incompatibles con calquera outra da mesma natureza e para a mesma finalidade.

4. DOTACIÓN, CONTÍA E PAGAMENTO

- Os fondos destinados a esta convocatoria irán con cargo á aplicación orzamentaria 2024 00FP 121D 482.99 e o importe máximo do crédito orzamentario retido para esta convocatoria ascende a 800 € para o que se achega o correspondente certificado de existencia de crédito.
- A contía será do 50% do prezo de matrícula do curso e como máximo de 50 €. Esta contía está suxeita á retención de IRPF que estableza a normativa vixente nesta materia.
- O pagamento da bolsa efectuarase unha vez comprobadas as obrigas establecidas na base oitava, mediante transferencia á conta bancaria indicada na solicitude e da que deberá ser titular. Así mesmo poderá realizarse o abono da axuda mediante o procedemento de pago en formalización para aqueles estudantes que teñan importes de prezos públicos pendentes de aboar.

5. PRESENTACIÓN DE SOLICITUDES E DOCUMENTACIÓN

A persoa solicitante deberá encher o [formulario](#) en liña, **descargalo e presentalo na sede electrónica** da Universidade de Vigo (sede.uvigo.gal) a través da Instancia Xenérica (SXER) existente na sede, e por como **asunto** “Bolsas Introducción á bolsa de valores”, achegando unicamente o formulario coa solicitude.



Non se admitirán a trámite aquelas solicitudes que se presenten por outras vías. O modelo específico de presentación de solicitudes é de uso obrigatorio para os interesados neste procedemento (art. 66.6 da Lei 39/2015 do 1 de outubro, do procedemento administrativo común das administracións públicas). Se algunha das persoas interesadas presenta a súa solicitude presencialmente, se lle requirirá para que a emenda a través da súa presentación electrónica.

O prazo de presentación das solicitudes será dende o día seguinte ao da publicación desta convocatoria no Taboleiro de anuncios ata o **24 de novembro de 2023** ás 23:59 horas (hora peninsular española).

Así mesmo deberán subir a seguinte documentación ao formulario en liña (non hai que subir a documentación á sede electrónica):

- Certificación académica dos estudos realizados no caso de que se realizasen nunha universidade distinta á de Vigo.

Tamén se lles poderá requirir que acheguen outra documentación que resulte necesaria para a correcta avaliación de requisitos e méritos alegados.

O feito de non achegar a documentación requirida será causa de exclusión.

6. SELECCIÓN E RESOLUCIÓN

A Sección de Axudas e Bolsas logo de rematar o prazo de presentación de solicitudes e unha vez examinadas estas e a documentación presentada, publicará a **listaxe provisoria de solicitudes admitidas e excluídas**, coa mención da causa de exclusión.

As persoas interesadas disporán de **cinco días hábiles** contados a partir do día seguinte ao de publicación para emendar os erros, a falta de documentación e as causas de denegación. Para tal fin deberán empregar o **formulario de alegacións** existente na secretaría virtual. De non presentar emenda entenderase que desiste da súa solicitude previa resolución ditada conforme á *Lei 39/2015 de 1 de outubro*.

A selección será efectuada pola comisión de avaliación de acordo cos seguintes criterios:

- Para estudantado que inicia estudos: a nota de acceso aos estudos que se cursen no 2023/2024.
- Para estudantado de continuación de estudos: Nota media do expediente académico dos estudos de grao ou máster oficial que se está a cursar no 2023/2024.

A comisión de avaliación está composta por:

Presidenta: Maria José Moure Rodríguez, directora da Escola Aberta de Formación Permanente

Vogais: María Guadalupe Fernández Romero, xefa da Sección de Axudas e Bolsas
Ana Rodríguez González, xefa da Negociado de Xestión de Prezos Públicos

No caso de que o número de persoas admitidas sexa inferior ao de premios ofertados aplicarase o procedemento abreviado establecido no artigo 22 da Lei 9/2007, de 13 de xuño, de subvencións de Galicia.



Unha vez efectuada a selección pola comisión, a Sección de Axudas e Bolsas publicará a **listaxe provisoria de persoas con bolsa concedida, denegada** coa mención da causa de denegación e a **listaxe de agarda** para o caso de existir renuncias.

As persoas interesadas poderán presentar alegacións no prazo de **cinco días hábiles**, contados a partir do día seguinte ao de publicación. Para tal fin deberán empregar o *formulario de alegacións* existente na secretaría virtual.

Unha vez revisadas as alegacións pola comisión, a Sección de Axudas e Bolsas enviaralle a proposta ao vicerreitor de Profesorado, Docencia e Titulacións quen adxudicará as bolsas mediante a correspondente resolución.

As persoas interesadas poderán entender desestimadas as solicitudes de non se ditar resolución expresa no prazo de 3 meses contados desde o día seguinte ao do remate do prazo de presentación de solicitudes.

A resolución conterá a listaxe definitiva de persoas beneficiarias das bolsas e a súa contía, a listaxe de solicitudes denegadas e a causa de denegación, e a listaxe de agarda para o caso de existir renuncias.

Contra esta resolución, que esgota a vía administrativa, poderase interpoñer un recurso perante a xurisdición contencioso-administrativa, no prazo de dous meses a contar dende o día seguinte ao da súa publicación, de conformidade co disposto na *Lei 29/1998, do 13 de xullo, reguladora da xurisdición contencioso-administrativa*.

As persoas interesadas poderán optar por interpoñer contra esta resolución un recurso de reposición, no prazo dun mes contado a partir do día seguinte ao da súa publicación, perante o mesmo órgano que a ditou. Neste caso non se poderá interpoñer un recurso contencioso-administrativo ata que sexa resolto expresamente ou se producise a desestimación presunta do recurso de reposición interposto, segundo o previsto no artigo 123.2 da *Lei 39/2015, do 1 de outubro, do procedemento administrativo común das administracións públicas*.

As listaxes ás que se refire este punto así como a Resolución de adxudicación publicaranse no taboleiro da sede electrónica <https://sede.uvigo.gal/> e no [portal de bolsas](#) da web da universidade, cos efectos de notificación previstos no artigo 45 da *Lei 39/2015, do 1 de outubro, do procedemento administrativo común das administracións públicas*.

As comunicacións individuais que resulten necesarias serán realizadas ao enderezo electrónico sinalado na solicitude, sen que estas teñan a consideración de notificación.

7. RENUNCIA

A renuncia voluntaria deberá realizarse mediante o **formulario de renuncia** existente na secretaría virtual e presentado na sede electrónica da Universidade de Vigo <https://sede.uvigo.gal/> dirixido á Sección de Axudas e Bolsas, xunto co xustificante de reintegro da contía correspondente no caso de terse efectuado o pagamento. As renuncias aceptadas darán lugar á perda dos dereitos económicos e á concesión da bolsa á seguinte persoa da listaxe de agarda.



8. OBRIGAS

A persoa beneficiaria deberá:

- obter unha cualificación de APTO na edición do ano 2023 do Curso de Formación en Introducción á Bolsa de Valores.

As persoas beneficiarias deberán cumprir as obrigas recollidas no artigo 14.1 da *Lei 38/2013, de 17 de novembro, Xeral de Subvencións*, que lle sexan de aplicación.

9. REINTEGRO DAS AXUDAS E PERDA DO DEREITO DE COBRO TOTAL OU PARCIAL

Son causas de reintegro e perda do dereito de cobro destas bolsas:

- Non cumprir os requisitos e obrigas recollidas na convocatoria.
- A ocultación de datos, alteralos ou manipular a información solicitada.
- Incurrir nalguna das causas de incompatibilidade establecidas nesta convocatoria.

A persoa beneficiaria que incorra nalguna destas causas está obrigada a reintegrar á Universidade a cantidade indebidamente percibida.

10. TRANSPARENCIA

1. De conformidade co artigo 17 da *Lei 1/2016, do 18 de xaneiro, de transparencia e bo goberno*, e co artigo 15 da *Lei 9/2007, do 13 de xuño, de subvencións de Galicia*, a Universidade de Vigo publicará na súa páxina web oficial a relación das persoas beneficiarias e o importe das axudas concedidas, así como as sancións que puideren impoñerse, polo que a presentación da solicitude leva implícita a autorización para o tratamento necesario dos datos das persoas beneficiarias e a referida publicidade.

2. En virtude do disposto no artigo 4 da *Lei 1/2016, do 18 de xaneiro, de transparencia e bo goberno*, as persoas físicas e xurídicas beneficiarias de subvencións están obrigadas a subministrar á Universidade de Vigo, logo de requirimento, toda a información necesaria para o cumprimento por aquela das obrigas previstas no título I da citada lei. Porén, non será necesaria a publicación cando o órgano concedente xulgue que se dan as previsións do artigo 15.2.d) da *Lei 9/2007, do 13 de xuño, de subvencións de Galicia*.

11. PROTECCIÓN DE DATOS

Información sobre a política de protección de datos en <https://www.uvigo.gal/sites/uvigo.gal/files/contents/paragraph-file/2019-11/Texto %20proteccion datos para CONVOCATORIAS bolsas.pdf>

